

# ნარკოტიკები და კანონი

თუმცა ნარკოტიკები დღეისათვის იშვიათობა როდია, მათი ფლობა ან გავრცელება აკრძალულია კანონით. კანონმდებლობა ნარკოტიკების შესახებ გასული საუკუნის დასაწყისიდან არსებობს და იგი თანდათან სულ უფრო მკაცრი ხდება. ნარკოტიკების მოხმარებისას ადამიანმა უსათუოდ გარკვეულ შედეგებზე უნდა იფიქროს. ნარკოტიკებთან დაკავშირებული კანონდარღვევის გამო ყოველწლიურად უამრავ ადამიანს აპატიმრებენ. სასჯელის ზომა ნარკოტიკებით კანონდარღვევისას ინდივიდუალურ დანაშაულზეა დამოკიდებული, კერძოდ, ვისთვის იყო ნარკოტიკები განკუთვნილი, დანაშაულის ჩამდენისათვის, თუ იგი ნარკოტიკების გამავრცელებელი იყო.

თუ პოლიციამ დააპატიმრა პირი, რომელსაც აღმოაჩნდა ნარკოტიკი მანქანაში ან საკუთარ ბინაში, თუნდაც ეს ნარკოტიკი მხოლოდ ამ პირისთვის ყოფილიყო განკუთვნილი, მის წინააღმდეგ აღიზრება სისხლის სამართლის საქმე. თუ შენ დამნაშავედ გცნობენ და სასჯელს გამოგიტანენ, შენ გეთვლება ნასამართლეობა, რომელიც წლების მანძილზე თან დაგყვება და საკმაოდ შეგნადრავს.

რომ დაისაჯო, არ არის საფაღდებულო ნარკოტიკი აღმოგინინონ. ქვეყანაში არსებული კანონმდებლობით ისჯება ის პირიც, რომელსაც დაუდგინდა ნარკოტიკული ნივთიერების ექიმის დანიშნულების გარეშე მიღების ფაქტი. თუ შენ ასეთი ფაქტი დაგიდგინეს სპეციალიზებულ ნარკოლოგიურ დაწესებულებაში, პირველ შემთხვევაში კანონით სასამართლო დაგაჯარიმებს ადმინისტრაციული წესით, ხოლო თუ ასეთი ფაქტი განმეორდა ერთი წლის განმავლობაში, შენ აუცილებლად ციხეში მოხვდები.

ჩვენ ეჭვი გვებარება, რომ შენ ან შენმა მშობლებმა ზუსტად იცოდეთ, რა სასჯელია განსაზღვრული ნარკოტიკებთან დაკავშირებით საქართველოს სისხლის სამართლის კოდექსში. ამიტომ გადავწყვიტეთ, აქ მოვიტანოთ ამონაწერი ამ კანონიდან. დაფიქრდი, ღირს თუ არა, რომ ქვემოთ მოყვანილი ეს სიტყვები უშუალოდ შენ შეგეხოს.



## ნარკოტიკული დანაშაული

*მუხლი 260. ნარკოტიკული საშუალების, მისი ანალოგის ან პრეკურსორის უკანონო დამზადება, წარმოება, შექმნა, შენახვა, გადაზიდვა, გადაგზავნა ან გასაღება*


1. ნარკოტიკული საშუალების, მისი ანალოგის ან პრეკურსორის უკანონო დამზადება, წარმოება, შექმნა, შენახვა, გადაზიდვა, გადაგზავნა ან გასაღება, - ისჯება თავისუფლების აღკვეთით ვადით ათ წლამდე.
2. იგივე ქმედება, ჩადენილი:
  - ა) დიდი ოდენობით;
  - ბ) წინასწარი შეთანხმებით ჯგუფის მიერ;
  - გ) სამსახურებრივი მდგომარეობის გამოყენებით;
  - დ) არაერთგზის;
  - ე) იმის მიერ, ვისაც წინათ ჩადენილი აქვს კოდექსის ამ თავით გათვალისწინებული რომელიმე დანაშაული, - ისჯება თავისუფლების აღკვეთით ვადით ექვსიდან თორმეტ წლამდე.
3. ამ მუხლის პირველი ან მე-2 ნაწილით გათვალისწინებული ქმედება, ჩადენილი:
  - ა) განსაკუთრებით დიდი ოდენობით;
  - ბ) ორგანიზებული ჯგუფის მიერ, - ისჯება თავისუფლების აღკვეთით ვადით რვიდან ოც წლამდე ან უკიდლო თავისუფლების აღკვეთით.

*შენიშვნა: ამ თავით გათვალისწინებული დანაშაულის ჩადენისათვის სისხლის სამართლებრივი პასუხისმგებლობისაგან თავისუფლდება ის, ვინც ნებაყოფლობით ჩააბარებს ნარკოტიკულ საშუალებას, მის ანალოგს, პრეკურსორს, ფსიქოტროპულ ნივთიერებას, მის ანალოგს ან ძლიერმოქმედ ნივთიერებას, თუ მის ქმედებაში არ არის სხვა დანაშაულის ნიშნები.*

**ვაუფროთხილდი თავისუფლებას !**

**მუხლი 261.** ფსიქოტროპული ნივთიერების, მისი ანალოგის ან ძლიერმოქმედი ნივთიერების უკანონო დამზადება, წარმოება, შექენა, შენახვა, გადაზიდვა, გადაგზავნა ან გასაღება

1. ფსიქოტროპული ნივთიერების ან მისი ანალოგის უკანონო დამზადება, წარმოება, შექენა, შენახვა, გადაზიდვა, გადაგზავნა ან გასაღება, – ისჯება ჯარიმით ან გამასწორებელი სამუშაოთი ვადით ორ წლამდე ან/და თავისუფლების აღკვეთით ვადით სამ წლამდე.
2. ძლიერმოქმედი ნივთიერების უკანონო დამზადება, წარმოება, შექენა, შენახვა, გადაზიდვა, გადაგზავნა ან გასაღება, – ისჯება ჯარიმით ან გამასწორებელი სამუშაოთი ვადით ერთ წლამდე.
3. ამ მუხლის პირველი ან მე-2 ნაწილით გათვალისწინებული ქმედება, ჩადენილი:
  - ა) დიდი ოდენობით;
  - ბ) წინასწარი შეთანხმებით პირთა ჯგუფის მიერ;
  - გ) სამსახურებრივი მოვალეობის გამოყენებით;
  - დ) არაერთგზის;
  - ე) იმის მიერ, ვისაც წინათ ჩადენილი აქვს კოდექსის ამ თავით გათვალისწინებული რომელიმე დანაშაული, – ისჯება თავისუფლების აღკვეთით ვადით ხუთ წლამდე.
4. ამ მუხლის პირველი ან მე-2 ნაწილით გათვალისწინებული ქმედება, ჩადენილი:
  - ა) განსაკუთრებით დიდი ოდენობით;
  - ბ) ორგანიზებული ჯგუფის მიერ, – ისჯება თავისუფლების აღკვეთით ვადით სამიდან რვა წლამდე.




მუხლი 262. საქართველოში ნარკოტიკული საშუალების, მისი ანალოგის ან პრეკურსორის უკანონოდ შემოტანა, საქართველოდან უკანონოდ გატანა ან ტრანზიტით საერთაშორისო გადაზიდვა

1. საქართველოში ნარკოტიკული საშუალების, მისი ანალოგის ან პრეკურსორის უკანონოდ შემოტანა, საქართველოდან უკანონოდ გატანა ან ტრანზიტით საერთაშორისო გადაზიდვა, -  
ისჯება თავისუფლების აღკვეთით ვადით ხუთიდან ათ წლამდე.
2. ამ მუხლის პირველი ნაწილით გათვალისწინებული ქმედება, ჩადენილი:
  - ა) დიდი ოდენობით;
  - ბ) წინასწარი შეთანხმებით ჯგუფის მიერ;
  - გ) სამსახურებრივი მდგომარეობის გამოყენებით;
  - დ) არაერთგზის;
  - ე) იმის მიერ, ვისაც წინათ ჩადენილი აქვს კოდექსის ამ თავით გათვალისწინებული რომელიმე დანაშაული, -  
ისჯება თავისუფლების აღკვეთით ვადით რვიდან თხუთმეტ წლამდე.
3. ამ მუხლის პირველი ან მე-2 ნაწილით გათვალისწინებული ქმედება, ჩადენილი:
  - ა) განსაკუთრებით დიდი ოდენობით;
  - ბ) ორგანიზებული ჯგუფის მიერ, -  
ისჯება თავისუფლების აღკვეთით ვადით ათიდან ოც წლამდე ან უვადო თავისუფლების აღკვეთით.

მუხლი 263. საქართველოში ფსიქოტროპული ნივთიერების, მისი ანალოგის ან ძლიერმოქმედი ნივთიერების დიდი ოდენობით უკანონოდ შემოტანა, საქართველოდან უკანონოდ გატანა ან ტრანზიტით საერთაშორისო გადაზიდვა

1. საქართველოში ფსიქოტროპული ნივთიერების, მისი ანალოგის ან ძლიერმოქმედი ნივთიერების დიდი ოდენობით უკანონოდ შემოტანა, საქართველოდან უკანონოდ გატანა ან ტრანზიტით საერთაშორისო გადაზიდვა, -  
ისჯება თავისუფლების აღკვეთით ვადით ორიდან ხუთ წლამდე.
2. ამ მუხლის პირველი ნაწილით გათვალისწინებული ქმედება, ჩადენილი:
  - ა) განსაკუთრებით დიდ ოდენობით;
  - ბ) ჯგუფურად;
  - გ) სამსახურებრივი მდგომარეობის გამოყენებით;
  - დ) არაერთგზის;
  - ე) იმის მიერ, ვისაც ჩადენილი აქვს კოდექსის ამ თავით გათვალისწინებული რომელიმე დანაშაული, -  
ისჯება თავისუფლების აღკვეთით ვადით ოთხიდან თორმეტ წლამდე.

მუხლი 264. ნარკოტიკული საშუალების, მისი ანალოგის ან პრეკურსორის, ფსიქოტროპული ნივთიერების, მისი ანალოგის ან ძლიერმოქმედი ნივთიერების მართლსაწინააღმდეგო მისაკუთრება ან გამოძალგა



1. ნარკოტიკული საშუალების, მისი ანალოგის ან პრეკურსორის, ფსიქოტროპული ნივთიერების, მისი ანალოგის ან ძლიერმოქმედი ნივთიერების მართლსაწინააღმდეგო მისაკუთრება ან გამოძალგა, - ისჯება ჯარიმით ან გამასწორებელი სამუშაოთი ვადით ორ წლამდე ან თავისუფლების აღკვეთით ვადით ოთხ წლამდე.
2. იგივე ქმედება, ჩადენილია:
  - ა) დიდი ოდენობით;
  - ბ) წინასწარი შეთანხმებით ჯგუფის მიერ;
  - გ) სამსახურებრივი მდგომარეობის გამოყენებით;
  - დ) არაერთგვის;
  - ე) იმის მიერ, ვისაც წინათ ჩადენილი აქვს კოდექსის ამ თავით გათვალისწინებული რომელიმე დანაშაული;
  - ვ) ძალადობით, რომელიც საშიში არ არის სიცოცხლისათვის ან ჯანმრთელობისათვის, ან/და ასეთი ძალადობის მუქარით, - ისჯება თავისუფლების აღკვეთით ვადით ოთხიდან რვა წლამდე.
3. ამ მუხლის პირველი ან მე-2 ნაწილით გათვალისწინებული ქმედება, ჩადენილია:
  - ა) განსაკუთრებით დიდი ოდენობით;
  - ბ) ორგანიზებული ჯგუფის მიერ;
  - გ) სიცოცხლისათვის ან ჯანმრთელობისათვის საშიში ძალადობით ან/და ასეთი ძალადობის მუქარით, - ისჯება თავისუფლების აღკვეთით ვადით შვიდიდან თხუთმეტ წლამდე.

მუხლი 265. ნარკოტიკული საშუალების შემცველი მცენარის უკანონო დათესვა, მოყვანა ან კულტივირება

1. ნარკოტიკული საშუალების შემცველი მცენარის უკანონო დათესვა, მოყვანა ან კულტივირება, - ისჯება თავისუფლების აღკვეთით ვადით ხუთ წლამდე.

2. იგივე ქმედება, ჩადენილი:

- ა) დიდი ოდენობით;
- ბ) წინასწარი შეთანხმებით ჯგუფის მიერ;
- გ) სამსახურებრივი მდგომარეობის გამოყენებით;
- დ) არაერთგზის;
- ე) იმის მიერ, ვისაც წინათ ჩადენილი აქვს კოდექსის ამ თავით გათვალისწინებული რომელიმე დანაშაული, - ისჯება თავისუფლების აღკვეთით ვადით ორიდან შვიდ წლამდე.

3. ამ მუხლის პირველი ან მე-2 ნაწილით გათვალისწინებული ქმედება, ჩადენილი:

- ა) განსაკუთრებით დიდი ოდენობით;
- ბ) ორგანიზებული ჯგუფის მიერ, - ისჯება თავისუფლების აღკვეთით ვადით ხუთიდან ათ წლამდე.

*მუხლი 266. ნარკოტიკული საშუალებების, მისი ანალოგის ან პრეკურსორის, ფსიქოტროპული ნივთიერების ან მისი ანალოგის უკანონო წარმოებისათვის ფარული ლაბორატორიის მოწყობა ან შენახვა*

1. ნარკოტიკული საშუალებების, მისი ანალოგის ან პრეკურსორის, ფსიქოტროპული ნივთიერების ან მისი ანალოგის უკანონო წარმოებისათვის ფარული ლაბორატორიის მოწყობა ან შენახვა, - ისჯება გამასწორებელი სამუშაოთი ვადით ორ წლამდე ან თავისუფლების აღკვეთით ვადით სამ წლამდე.

2. იგივე ქმედება, ჩადენილი:

- ა) ჯგუფურად;
- ბ) სამსახურებრივი მდგომარეობის გამოყენებით;
- გ) იმის მიერ, ვისაც წინათ ჩადენილი აქვს კოდექსის ამ თავით გათვალისწინებული რომელიმე დანაშაული, - ისჯება თავისუფლების აღკვეთით ვადით ხუთ წლამდე.

*მუხლი 267. ნარკოტიკული საშუალებების შესაძენად ყალბი რეცეპტის ან სხვა დოკუმენტის დამზადება გასაღების მიზნით ან გასაღება*

1. ნარკოტიკული საშუალებების შესაძენად ყალბი რეცეპტის ან სხვა დოკუმენტის დამზადება გასაღების მიზნით ან გასაღება, - ისჯება ჯარიმით ან გამასწორებელი სამუშაოთი ვადით ორ წლამდე ან თავისუფლების აღკვეთით ვადით სამ წლამდე.

2. იგივე ქმედება, ჩადენილი:


- ა) არაერთგზის ან სხვისთვის დახმარების გაწევის მიზნით;
- ბ) სამსახურებრივი მდგომარეობის გამოყენებით, - ისჯება თავისუფლების აღკვეთით ვადით ხუთ წლამდე, თანამდებობის დაკავების ან საქმიანობის უფლების ჩამორთმევით ვადით სამ წლამდე ან უამისოდ.

3. ამ მუხლის პირველი ან მე-2 ნაწილით გათვალისწინებული ქმედება, ჩადენილი:

- ა) დიდი ოდენობით;
- ბ) წინასწარი შეთანხმებით ჯგუფის მიერ, - ისჯება თავისუფლების აღკვეთით ვადით რვა წლამდე, თანამდებობის დაკავების ან საქმიანობის უფლების ჩამორთმევით ვადით სამ წლამდე.

**მუხლი 268. ფსიქოტროპული ან ძლიერმოქმედი ნივთიერების შესაძენად ყალბი რეცეპტის ან სხვა დოკუმენტის დამზადება გასაღების მიზნით ან გასაღება**

1. ფსიქოტროპული ან ძლიერმოქმედი ნივთიერების შესაძენად ყალბი რეცეპტის ან სხვა დოკუმენტის დამზადება გასაღების მიზნით ან გასაღება, - ისჯება ჯარიმით ან გამასწორებელი სამუშაოთი ვადით ერთ წლამდე.
2. იგივე ქმედება, ჩადენილი:
  - ა) არაერთგზის ან სხვისთვის მომსახურების გაწევის მიზნით;
  - ბ) სამსახურებრივი მდგომარეობის გამოყენებით, - ისჯება თავისუფლების აღკვეთით ვადით ორ წლამდე, თანამდებობის დაკავების ან საქმიანობის უფლების ჩამორთმევით ვადით ერთ წლამდე ან უამისოდ.
3. ამ მუხლის პირველი ან მე-2 ნაწილით გათვალისწინებული ქმედება, ჩადენილი:
  - ა) დიდი ოდენობით;
  - ბ) წინასწარი შეთანხმებით ჯგუფის მიერ, - ისჯება თავისუფლების აღკვეთით ვადით ხუთ წლამდე, თანამდებობის დაკავების ან საქმიანობის უფლების ჩამორთმევით ვადით სამ წლამდე.



**მუხლი 269. ნარკოტიკული საშუალების ან პრეკურსორის დამზადების, წარმოების, მიღების, აღრიცხვის, გაცემის, შენახვის, გადაზიდვის, გადაგზავნის ან შემოტანის წესის დარღვევა**

1. ნარკოტიკული საშუალების ან პრეკურსორის დამზადების, წარმოების, მიღების, აღრიცხვის, გაცემის, შენახვის, გადაზიდვის, გადაგზავნის ან შემოტანის წესის დარღვევა, რამაც მისი უკანონო ბრუნვაში მოქცევა გამოიწვია, - ისჯება ჯარიმით ან თავისუფლების აღკვეთით ვადით სამ წლამდე, თანამდებობის დაკავების ან საქმიანობის უფლების ჩამორთმევით ვადით სამ წლამდე ან უამისოდ.
2. იგივე ქმედება, რამაც დიდი ოდენობით ნარკოტიკული საშუალების ან პრეკურსორის უკანონო ბრუნვაში მოქცევა ან სხვა მძიმე შედეგი გამოიწვია, - ისჯება თავისუფლების აღკვეთით ვადით ხუთ წლამდე, თანამდებობის დაკავების ან საქმიანობის უფლების ჩამორთმევით ვადით სამ წლამდე.

მუხლი 270. ფსიქოტროპული ან ძლიერმოქმედი ნივთიერების დამზადების, წარმოების, მიღების, აღრიცხვის, გაცემის, შენახვის, გადაზიდვის, გადაგზავნის ან შემოტანის წესის დარღვევა

1. ფსიქოტროპული ან ძლიერმოქმედი ნივთიერების დამზადების, წარმოების, მიღების, აღრიცხვის, გაცემის, შენახვის, გადაზიდვის, გადაგზავნის ან შემოტანის წესის დარღვევა, რამაც მისი უკანონო ბრუნვაში მოქცევა გამოიწვია, -  
ისჯება ჯარიმით ან გამოსწორებელი სამუშაოთი ვადით სამ წლამდე, თანამდებობის დაკავების ან საქმიანობის უფლების ჩამორთმევით ან უაპიზოდ.
2. იგივე ქმედება, თანამდებობის უკანონო ბრუნვაში მოქცევა ან სხვა მძიმე შედეგი გამოიწვია, -  
ისჯება ჯარიმით ან გამოსწორებელი სამუშაოთი ვადით ორ წლამდე ან/და თავისუფლების აღკვეთით ხუთწლიანი ვადით, თანამდებობის დაკავების ან საქმიანობის უფლების ჩამორთმევით ვადით სამ წლამდე.



მუხლი 271. ნარკოტიკული საშუალებების, მისი ანალოგის, ფსიქოტროპული ნივთიერების, მისი ანალოგის უკანონოდ მოხმარებისათვის ბინის ან სხვა სადგომის დათმობა

1. ნარკოტიკული საშუალებების, მისი ანალოგის, ფსიქოტროპული ნივთიერების, მისი ანალოგის უკანონოდ მოხმარებისათვის ბინის ან სხვა სადგომის დათმობა, -  
ისჯება თავისუფლების აღკვეთით ვადით სამ წლამდე.
2. იგივე ქმედება, ჩადენილი:
  - ა) არაერთგზის;
  - ბ) ახვარებით;
  - გ) არასრულწლოვანის ან იმის მიმართ, ვინც ვადის დეზინტოქსიკაციური თერაპიის კურსს, -  
ისჯება თავისუფლების აღკვეთით ვადით ხუთ წლამდე.
3. ნარკოტიკული საშუალებების, მისი ანალოგის, ფსიქოტროპული ნივთიერების, მისი ანალოგის უკანონოდ მოხმარებისათვის სპეციალური სადგომის მოწყობა ან/და ასეთ სადგომში მისი უკანონოდ მოხმარების ორგანიზება, -  
ისჯება თავისუფლების აღკვეთით ვადით სამიდან ექვს წლამდე.
4. ამ მუხლის მე-3 ნაწილით გათვალისწინებული ქმედება, ჩადენილი:
  - ა) ორგანიზებული ჯგუფის მიერ;
  - ბ) არაერთგზის, -  
ისჯება თავისუფლების აღკვეთით ვადით ხუთიდან ათ წლამდე.



*მუხლი 272. ნარკოტიკული საშუალების, მისი ანალოგის, ფსიქოტროპული ნივთიერების, მისი ანალოგის მონხმარებაზე დაყოლიება*

1. ნარკოტიკული საშუალების, მისი ანალოგის, ფსიქოტროპული ნივთიერების, მისი ანალოგის მონხმარებაზე დაყოლიება, – ისჯება ჯარიმით ან თავისუფლების აღკვეთით ვადით სამ წლამდე.
2. იგივე ქმედება, ჩადენილი:
  - ა) არაერთგზის;
  - ბ) ორი ან მეტი პირის ან არასრულწლოვანის მიმართ, – ისჯება თავისუფლების აღკვეთით ვადით ათ წლამდე.

*მუხლი 273. პირადი მონხმარებისათვის ნარკოტიკული საშუალების, მისი ანალოგის ან პრეკურსორის მცირე ოდენობით უკანონო დამზადება, შექენა, შენახვა ან/და ექიმის დანიშნულების გარეშე უკანონოდ მონხმარება*

პირადი მონხმარებისათვის ნარკოტიკული საშუალების, მისი ანალოგის ან პრეკურსორის მცირე ოდენობით უკანონო დამზადება, შექენა, შენახვა ან/და ექიმის დანიშნულების გარეშე უკანონოდ მონხმარება, ჩადენილი ასეთი ქმედებისათვის აღმინისტრაციული სახდელის დადების შემდეგ, – ისჯება ჯარიმით ან საზოგადოებისათვის სასარგებლო შრომით ვადით ას ოციდან ას ოთხმოც საათამდე ან ტუსადობით ვადით სამ თვემდე ან/და თავისუფლების აღკვეთით ვადით ერთ წლამდე.

*მუხლი 274. იძულებითი მკურნალობისათვის თავის არიდება*

ნარკომანის მიერ სპეციალურ სამკურნალო-პროფილაქტიკურ დაწესებულებაში იძულებითი მკურნალობისათვის ვიუტად თავის არიდება, – ისჯება თავისუფლების აღკვეთით ვადით სამ წლამდე.



**განსოვდეს, თუ შენ ნარკოტიკებს ფლობ, გაქვს იგი  
ჯიბეში ან ჩანთაში, შენს მანქანაში ან სახლში,  
შეიძლება დაგაპატიმრონ!!!**

**აკრძალულია!** იმ ნარკოტიკების ფლობა, რომელიც ექვემდებარება კონტროლს კანონით ნარკოტიკული საშუალებებისა და ფსიქოტროპული ნივთიერების შესახებ.



თუ ვინმე ფლობს ნარკოტიკებს თუნდაც მცირე რაოდენობით საკუთარი გამოყენებისათვის, მოსამართლეს შეუძლია აღძრას სისხლის სამართლის საქმე და დაიწყოს პროცესი.

ნარკოტიკების უკანონო ფლობა და მათი გაფრცელება ისჯება კანონით. მაგალითად, ვისაც აქვს ჰაშიშის თუნდაც მცირე რაოდენობა, გაასამართლებენ ნარკოტიკების ფლობის ან გაფრცელების ბრალდებით. ამ შემთხვევაში მნიშვნელოვანია როგორც ნარკოტიკის რაოდენობა, ასევე მისი შემაღენლობა.

ნარკოტიკის გაჩუქება მეგობრებზე ან სხვა პირზე, უკვე დასჯადი ქმედებაა, და იგი ითვლება გაფრცელებად.

**სხვა დასჯადი ქმედებები**

- პროცესის მიმართ შეიძლება აღძრას სისხლის სამართლის საქმე, თუ:
- ნარკოტიკული საშუალების შემცველი მცენარე, მაგ., კანაფი ან ყაყაჩო დათესა და მოაშენა
  - ნარკოტიკის მიღებაზე დაიყოლია სხვა პირი
  - ფლობს იმ ნივთებს და ნივთიერებებს, რომელიც საჭიროა ნარკოტიკების დასამზადებლად
  - ნარკოტიკები უცხოეთიდან შემოიტანა ან გაიტანა
  - ექიმის დანიშნულების გარეშე ფლობს ან მოიხმარა ნარკოტიკი

